



雙魚偶存
卷二

PL
2705
U12253
1774
V.2



松泉記



雙魚偶存尺牘目錄

卷二

與徐平一

與葉宸徵

與旭升兄

復葛博臣

復徐桐川

復姚冰癡

復孔翼之

與平午村

與鎮江蘇郡尊

與黃順達

復時申錫

復沈以衡

與金匱程中尊

與高渭占

復陸書耕

復時申錫

復高渭占

與宋威如

復徐桐川

復高春渚

與姚冰癡

與徐使君

覆江都趙明府

二首

與錢顯思

復姚雪懷

與楊衡若

與王容軒

與申蓉城

二首

與丹陽徐公

與朱雲昭

與吳邵儀

復黃順達

與章冠夫

與黃順達

與鄭逸存

與黃順達

與承雲姪

致奉賢劉公

覆奉賢劉公

致徐使君

與陳御如

復何竹溪

與王紹賢

與秦展遴

與何永年

與家旭升兄

與徐使君

與陸荆山

復時申錫

與黃南濱

與沈聲雷

與宋威如

覆徐桐川

與承雲姪

與黃順達

覆葉安期

與黃順達

與徐桐川

二首

復倪曉微

與秦簡綸

覆葉安期

復徐太尊

與孔翼之

覆黃端仁

與毛三彩

與張蓉塘

復倪小迂

與黃任達

與范岷懷

與李中州

與王惕三

與士言大兄

與俞行遠

復龔振裘

致張大尹

二首

復張端揆

復張端揆

覆朱一鵬

答王紹賢

與王汝張

與郊聲洪

與湯一椽

復六塘張廳尊

復滕京山

復張端揆

覆錢天開

覆葉安期

與申蓉城

謝觀察金公

與滕京山

覆滕京山

覆王芳谷

與陳冰蘂

雙魚偶存卷二

朱穎雲浦氏 著

古吳

申萬錦蓉城氏校閱

與徐平一

夜來醉矣歸興不苦晚乎酬應無了期擬借半日
春光一探野梅芳信板橋茅店隨意所之不須定
向也經史缺頁告假晉書五十二宋書八十七穀
梁第九卷錄下卽繳幸付小伴帶回蓋欲乘此閒
腕耳

與葉宸徵

荒祠風雨中念有故人在極欲踏屐相尋而病態
懨懨莫能作力悠悠空谷我勞如何用布一言以
申繾綣倘良朋垂念惠然肯來則小圃梅花餘香
猶在剪春韭以侑酒屏雜客而論心病夫當爲起
舞矣往教義乖恃愛率瀆

與旭升兄

昨來青蛱已收但何汲汲也史記漢書送上春甕
有幾博浪沙中之椎惜乎擊之不中定當浮一大
白未識許弟明目張膽嬉笑怒罵一侍樽前否
雨不止二麥可憂貧士閔歲饑此念尤切耳街泥

稍乾走晤劇語

復葛博臣

抵舍後既束於家務復困於藥爐是以尙未趨候
今荷見招仰德坐隅固所甚願惟值胃氣未平醫
人囑忌腥酒平原之飲自多豪客故未敢應召耳
賤體小可當圖晤於荷香竹影間披涼風啜茗
奉半日玄談也率復并謝不備不莊

復徐桐川

金焦北固清夢常遊起視月斜則仍未識江山面
目也接誦手翰不禁慚慙霍邱爲老哥舊遊地聲

韜
音的馬韜

雙魚仙存
卷二
二
華夙樹當必奉爲上賓吾道有江河之嘆幸耐心
處之弟因差務灾務蝟集一時而惡濕居下以致
臂病復作幾興蓐鱸之想乃羈勒甚牢莫能求脫
重陽後諸事得有所緒故園籬菊終不寒盟也威
如聞於月初赴省不識果行否祈一垂訪別諭中
心藏之矣藉泐佈候珍重是囑

復姚冰癡

癸夏別後以棘人無狀子墨多疎而叔度丰儀靡
日不銘心作念也天水主人晝接之下上契宸衷
超遷指顧可期弟聞之不禁狂喜更念三千之中

今日脫穎而出者非老哥其誰屬也正欲手奏一行以伸情愫乃朶雲忽降宛挹清標捧誦迴環欣慰奚似惟云前發數函並未一到想效洪喬故事矣舊雨重聯之論固愜素心第此間差務未了賑務正殷中道而棄不特情有未安抑且勢難自主爲語東君春風有待知己之前敬佈肝膈勿叱戀戀故棧爲芻豆稍豐也寒潮上下一日兩回如何作計同登金鰲峯頂半日快談以伸勞積尙望教我但須月圓以前過此則歸帆箭發矣冗次率復惟祝近履臨尺未竟所懷

復孔翼之

耳食芳名心摹儀範久矣幸奉教箋恍承寶玉乃
以一闕之限未克卽挹芝光車中新婦又不禁慚
且感也舍姪來書頌先生學優行粹幾至無可名
言弟亦知先生跨鶴而來意在簫聲明月古人出
遊以江山爲主鴻雪無痕正可擬我輩踪跡也企
切言深不覺縷縷率復并候並璧撫謙不旣

與平午村

春時一通魚雁之後復奉手緘正欲裁答適得先
君抱病之信星夜馳歸不意於五月廿四痛遭大

故苦鬼餘生已無人色詎八月廿七復罹內子之
喪百日之中五倫失二眼枯骨立無意人間筆墨
久拋良亦爲此小春六日復以饑驅故寄跡邗江
現偕沈渭章兄共事剪燈抵掌時靡不頌及風雅
而老先生客履之勝此又才華氣誼到處逢迎者
無庸焚祝也此間刑名張先生因高年多病志欲
息肩居停久仰芳名而晚又備言國士傾向曷已
囑爲介紹但廣陵庶政較減於潤城上下行必藉
一手經理館俸舊止荷花今則自當請益但老先
生有無另圖之意修俸幾許可以俯就我輩爲貧

作客晚又托在素心不妨明示蓋恐路遙有岐轉
負唐突之咎耳肅泐佈候竚望德音臨池企切

復鎮江蘇郡尊

葑菲謏材仰蒙老公祖垂注殷拳獎借逾分古人
傾蓋言歡今荷精神默契下士得此感頌何如菊
月中原任徒邑徐使君至蘇傳述台命相招極應
卽趨鈴閣奈此時旣多家務羈牽復有廣陵瓜葛
是以諄懇轉達鄙私代伸醜纓茲晚於月之七日
抵揚捧讀鈞簡備示始末老公祖曲體人情俾晚
得免明珠之詠銘佩益靡旣極歲闌旋里定當竭

覲

音羅好視也

誠摳謁先此肅泐謝復並請陞祺臨池企切

與黃順達

前接時申兄書知老哥先生已抵潤城際此雪霽
金焦江山如畫想奚奴負酒老子披裘名士杖履
所及一觴一咏便足爲千古佳話此種勝懷惟老
哥能具之亦惟弟能窺之也徒陽運河煞壩大挑
深慮封篆時歸航有阻如需策蹇大是苦事敢懇
老哥將開壩的期於望間示知爲禱道出甕城伏
波司閘不拒客否不拒便圖趨晤謹領福報爲君
傳語平安也客緒自嘉不復贅頌

雙魚存
雙魚存

卷二

三

復時申錫

紛披案牘之餘又難忘平山花柳公私鞅掌致稽
裁訊故人愛我先賜問箋捧誦迴環不啻小舟促
膝時也老哥學優行粹到處有水乳之懽古人所
謂求其在我者誠有然也舍姪書中備頌拂拭益
微古道不疲之照尙望明鏡迴光耳吾輩閒雲野
鶴踪跡無常惟期彼此相安不必拘泥息壤知己
之前敬佈肝膈老哥會心人當邀鑒照也復候草
草不盡願言

復沈以衡

長堤烟柳宛在目中而飛絮遊絲又感春光入暮
矣接誦手翰知有淮陰之行廣陵旣艱良遇碧梧
在望宜爲展翮之謀惟弟輩自笑如車中新婦未
許輕出見人薄奉爻爻聊佐樽酒別論非敢有妨
因卯苦寅支故耳知己自邀鑒宥也率復并候臨
楮懷慚

與金匱程中尊

鈴閣抵掌之後忽忽又經四旬老先生敬事精勤
河山改色天顏有喜當必蒙宸顧而記循名
異等之擢將爲東南冠冕矣晚以故情鄭重羈跡

雙魚集卷之二十一
邦江未克卽侍尊前藉光成事西園北海日切寤
思敝友時申兄練達而恂謹諒邀品藻惟舍姪少
年初學恐未足備扶輪耳肅泐一行敬請萬福仰
惟丙鑒臨楮依馳

與高渭占

古人云傾蓋如故弟與先生前日之會殆有似之
締交在意氣正不必渥舊雨薄新知也別後於廿
日抵邦福報隨卽遣送梁溪風月殊繫人懷順泐
一行敬請吉祉病腕頹弱不備不莊

復陸書耕

嗅
胃

不晤將十年可爲濶別矣而知己之形神咳唾時
想見於驛梅梁月間祇以彼此東西南北遂致紅
鯉鮮通然古人嗅味相投千里一室正不在憑晤
對重尺素也荷月初弟因病旋里廣陵署中附到
誨帖讀之不禁正豎辟易并悉老哥稅駕真州輕
車熟路將爲揚郡冠冕矣欣快何似至道履之順
吉此又無庸贅祝者也茲弟於月之廿日抵邗倘
文旆有詣郡之興當買紅橋畫船同聽玉簫聲玩
竹西明月耳一行復候百里神馳

復時申錫

時新納
姪人

秋蟾畫閣繡暖香迷側聽猶憐不驚怒吼此老哥
平生如意事弟聞之亦滿引三大白遙祝玉燕早
投耳惟翰及伊川促駕三日遽離其辭若有憾焉
而知足不辱正見苦心調護處此箇中人語道破
當啞然笑也淮揚大興水利居停旣派高堰石工
復派洪澤河工寄人籬落者亦未免濡首鞅掌病
夫所遇如此乃造物深惡不勇退耳歲以爲期決
當尋盟鷗鷺矣風便裁覆臨楮溯依

復高渭占

既瞻麟度復奉魚函肝胆照人低徊莫釋他時西

園北海幸獲仰侍德隅固所大願否則紅橋烟月
虎阜風花彼此訂如歸之約題箋弄酒青眼笑迴
亦未始非縞帶佳話也秋光老矣客況如何楓葉
寒蘆倍增離索附狴一行上候萬福臨尺未竟所
懷

與宋威如

別時一芹之將非以酬勞聊展寸意耳乃賢弟明
存之而復暗留篋內表廉之念誠矣其如愚之歉
歉何前沈紀來揚接讀手翰知途次抵家諸獲寧
適爲慰姚洪兩處之囑俱成築舍雖機緣不偶而

感

宗

促也縮小貌

雙魚偶存

卷二

楚江蜀棧遠道依人亦不足重也吳門邇日有好
音否吾輩貧士固難久坐然頻年作客值此故園
佳日霜葉如花持肥蠍酌醇醴扼塞心胸少資排
蕩亦未始不可所謂人生行樂耳徒蹙蹙何爲賤
恙於立冬時復發幸不甚劇勉終歲內誓息田廬
牀頭濁甕架上殘編與之料理餘年矣蘇門倘有
時事覓便示我一二郊晉兄乃郎完姻乞探的期
告之舍間不可失禮至詢及舟中之餽何以徒成
虛語探知乃臣與王言六里耳非有中飽也一函
復候近好諸惟自珍爲囑

復徐桐川

冬月如水正懷故人幸奉雲函如親顏色海陽之行知非碧梧翠竹旋整歸裝在泛泛者必以一枝不易尙當勉強棲遲然知幾識務之謂何老哥奮翮而起此正學力老到處弟深爲欽服者也新安多佳山水秋氣澄爽往來其間巖光溪色盡入奚囊何不臨風一寄我也承惠松烟春茗留待酌椒相對時烹梅雪爲君繕新詩耳別論敬篆心版但灰頽嫫母恐不足爲蹇修奈何羽便復謝並候萬福不旣

復高春渚

拉雜塵襟未媚風雅偶或感觸絕似虫吟非敢言
詩又何論工拙也乃先生不惜明牕淨几必欲懸
冰菱以窺嫫母使之醜無遁形不亦過乎還覆醬
甕感而且愧但恐歐舫寒梅尙嫌熟劣餘氣當遲
開十日奈何率復不備

與姚冰癡

客歲自膳之諭諒必出諸居停弟意宜向執事之
使言之俾爲浥彼注茲之計令賓得授餐主無繁
費庶兩安耳瑣屑奉干勿嫌絮聒

與徐使君

日來賤體愈覺委頓腿足腫脹旣艱步履浮火上
升時復眩暈若再勉強從事不特沉痾可虞抑且
政務有悞邇聞老先生喜音叠至而又適當一無
要事之秋回思晚新正之急急而來此日之勤勤
求去愚陋樸枕不敢自徇於流俗者諒可仰邀淵
鑑也況賓至如歸名賢相佐自獲水乳之契卽有
萬一之慮重尋舊雨正不妨俟之將來人之相知
惟貴關切於旣別之後不重殷勤於晤對之時晚
三載以來承老先生渥之館穀寄之心膺此時若

歸而別就則非人心若歸而治病則當相諒也日前承賜人參晚在署則出換不便尙可拜惠今旣歸矣自購甚易謹封奉繳古人取予惟衷於義庶免傷惠傷廉幸鑒區區勿煩往復專此佈辭統希融照餘容面謝不盡

覆江都趙明府

仰奉誨簡注念殷拳感戢之私花潭莫喻都轉公見招老先生汲引極應拜命恐後但晚以先人窀穸之謀今冬斷不可緩是以日前承潤城太守遣人下詢亦俱辭却非敢矯情實勢處其然耳原聘

奉繳并附賤刺幸轉爲婉辭道知己之感則佩德
靡旣矣交代聞倉穀已經開斛但恐作敷衍計耳
然正限已滿二叅接扣甚迫耐心兩月自獲楚結
鄙意亦不必於詳稟文移之間鋒鋷太利徒傷寅
雅送交代與接交代不同弗傷和氣所益實多也
未識高明以爲然否藉使敬復並請近安諸惟融
照不宣

又

周紀往來蘇揚側聞吉祉并悉盤件已有成緒快
何如之茲於歲朝接奉台翰蒙諭運臺必欲見招

特囑再爲羅致小草披春何敢固外惟晚年雖未
耄衰病日侵鍵戶擁衾已將兩月從事藥爐之人
責以江關跋涉縱使勉強趨承究恐無裨叅贊且
先人營葬之舉擇於今春三月屆期告歸又多未
便蒙愛有年敬佈肝膈惟希善爲我辭使不卧罪
於都轉則佩渥誼於老先生者此身猶在不敢忘
也北望頓首神與書俱

與錢顯思

五年契濶邂逅一談言之惘然思之若夢弟於月
初抵陽因積案如蝟濡首執掌幾不知三春有色

年來所履無一坦夷此造物惡其不自知故迎鉛
刀以盤錯耳老哥先生博練俊才駕輕就熟理牘
餘閒自饒觴咏之樂但不識詩成酒醒時亦念呂
蒙城下有扼塞故人否西園北海聚首無期朱履
青衫徒縈寤寐敬泐一行虔請萬福感懷縷縷不
盡願言

復姚雪懷

休文渡江來披覽手示知清襟坦度無異槐庭相
對時北上之期尙俟清和時候樊川殘夢仍繞紅
橋烟月畫船流連何極恨弟滯跡曲阿未克陪侍

樽俎滿闌芍藥疊饌鱗魚回想年時不禁神結都
轉兩次見招弟非矯情峻拒其如香餌不過爾爾
灰心世路之人不藉大紗帽作聲價矣此意惟老
哥能會之也剪燭吮毫草草復候嗣圖鴻便再佈
縷懷

與楊衡若

春王載筆時趨叩大雅之堂未獲面別惝恍奚似
際此清和良序天氣絕佳遙想老親家踞坐雄談
看花醕酒真得芥視浮榮之樂較之依人孤鶴徒
殷遼海之思猶戀稻粱之餌者何啻霄壤也監照

已奉發到前說大約相左矣此時縣中傳領必須
副收繳換故特囑舍弟走謁乞檢擲之雲陽風景
瘠薄異常吏猾民奸良亦以此年來遊興已灰而
所如又多束濕之嘆老親家其何以教我耶榴花
開時當圖把袂冗次畧布潦草不莊

與王容軒

聞松人已旋所許乞卽慨付因值待補漏卮耳愚
病足憚於出門賢姪得暇顧我小圃海榴未殘銀
薇將放而籬畔棠花間吐一二蕊頗有媚主之情
相對納涼清話殊不俗也

與申蓉城

雙魚偶存幸發來手盛暑宜高臥北牕讀南華經
不當留此惡札復供噴飯也

又

文翁小照漫題二絕鐘鼓洪聲之下繼以瓦缶之
鳴大雅見之得無指爲顏厚乎周貞女詩容索枯
另上

與丹陽徐公

屢蒙清訊情溢瑤緘銘篆之深交加五內老先生
實心實政力刷繁疲十旬以來想雲陽化理更上

迂

音吐短小也

輒

唐忽也

一層矣此民生之福亦仕路之模也晚以病魔纏繞兀羸懨懨鍵戶坐愁絕無生趣自分蒲柳之姿已屬望秋之候枯槁零落誠不足惜惟奉老先生一番手書輒增一番感激而跡與願違未能仰德左右悠悠此心抱疚何極茲舍甥南濱趨赴鈴閣敬泐數行虔請萬福舍甥幼年初學諸承拂拭屋烏之愛不僅身受者思報也臨池瞻溯楮莫罄陳
與朱雲昭

知己垂念之深每札必及而專函下詢尤感殷勤也新秋風日客緒自佳惟作此冷淡生涯恐稽鵬

翮之展老長兄英敏軼群宜奮進修之力別開生
面古來經濟文人兵農禮樂無不究心他時佐名
卿開幕府攄抱負而展才猷紅蕖綠水馳譽寰中
亦未始非丈夫不遇而遇之事也肝膈直談幸勿
叱爲狂妄是禱弟二豎屢侵頓增衰相壺冰斛火
總不效靈夫生老病死人事之常香山云此身何
足戀萬劫煩惱根弟惟日誦此詩以委心順化而
已舍甥來陽敬泐謝候署中時事便聞一二病腕
頽弱不盡欲言

與吳邵儀

索繪桃源圖

鵬
音鳥戲相擾也

新秋風日猶鵬春懷連朝合眼便入桃源見亂紅
如雨不禁有時乎時乎之感迨醒忽忽不樂致抱
採薪此夢之來因老哥能爲我圓之禳之否仙不
吝丹佛不惜寶方是廣種福田普結善緣耳笑笑

復黃順達

辱承汲引何啻授饑者以餐感意甚厚但弟今冬
有竈窳之營事莫大於此舉是以決策杜門日前
梁溪之行亦爲舍姪脫卸計勢有不能則故園籬
菊未忍寒盟矣敬此佈復介父母前并爲道謝草
草不旣

與章冠夫

不挹芝光忽忽數載杜門衰朽雖久缺候賤而先生綠水紅渠之譽雷貫江左誠爲吾道冠冕矣甲申冬晤威如宋子縷述先生渥誼稠情逾於骨肉至有泉下銘心之語盛德動人一至於此求諸輓近其可得乎佩頌之餘彌增懷企茲三舍姪正笏承敬明府之招佐理書記少年初學世務未嫻祈先生推念故交子姪遇事噓植之則感春雲高誼遠勝花潭千尺矣荒槭上候畧布相思福履自綏不襲套祝

與黃順達

數行諒已塵覽荒政文告膾炙人口但業戶偏累
尤望調劑此語出諸公道非爲數畝薄田作說客
也敝友某歸自山左急求一株以爲卒歲計然邇
來堦前盈尺不啻天上苟非巨手幾難扶挈老哥
名動當時交遊四嚮隨風珠玉諒不我吝若悠悠
泛泛者弟則不敢漫向緩頰也

與鄭逸存

風雨如晦神氣不舒急呼濁酒倚虛牕讀豫讓荆
軻列傳不覺胸膈大暢每見讀書人老年觀聽皆

沆
音杭水声
瀼
音械北方夜半氣也

厭書以其無所用之也而趨心於釋道乞命於金石往往自悞不少殊不知斷簡殘編中亦有甘露沆瀣耶竊爲有得不敢自私敬質諸知己博議已覓丹鉛矣飛剩青蚨藉手並繳

與黃順達

威如青溪之行勢將不果老哥欲佐者無出其右矣得奉名賢以長聲價敢復求厚實乎幸爲圖之與承雲姪

愚滿擬今歲局門謝客課子讀書乃承奉賢劉使君輾轉相邀情文備至謹不容辭杏月朔復發青

村之棹勞人有數不敢與造物強也仲山南濱俱
得同行征收一席通融辦理所喜不在所得惟期
驗途老馬將來分道揚鑣耳賢姪客緒如何金又
兄人極豪爽可與締交者况學術兼優相處一堂
時聞緒論蓬蔦之造切勿當面錯過虞峯係愚舊
遊地山川人物頗極秀俊三峯松石梅竹相對之
下能令塵襟頓洗不可不一到也蘇常密邇家言
時通便中郵筒寄知此間僻處海濱屈指故鄉雖
三百里而往來之便未免一紙萬金耳又兄爲愚
道候仲山南濱囑筆致意

致奉賢劉公

使旋一行敬復諒蒙青照茲令舍姪承雲趨赴鈴閣暫爲代理古人內舉不避正所以報知遇也區區不敏竊慕斯義幸老先生垂鑒焉聞有會錄事卽詣吳門奉教匪遙晤罄覩縷肅泐佈達並請陞祺臨端馳企

覆奉賢劉公

別時火雲燒空瞬又閭闔風清矣屢於家言中得悉老先生勤政恤民治臻上理計典剡章定當首推異績矣紀綱至吳傳述台命雅意勤拳聞之

感勒但晚入秋以來旣患河魚復苦痰痞病魔纏繞迄今未瘳就衰之年精神頓減竊恐海濱醫藥多有未便不得不披肝奉告請緩行期至舍姪正當及鋒之時老先生試之三月未識可收夾袋否便祈詳示以慰鄙懷肅箋佈覆並請陞祺臨端瞻企

致徐使君

不仰塵談忽更寒暑日前台旌蒞吳晚趨叩方舟未獲面伸積愆及兩枉高車又失迎迓歉私企念交佈寸胸老先生榮調潤城駕輕就熟此番差竣

之後竚看鶴立雲翔偉抱鴻才斷不再羈百里矣
晚以家政荒索齒衰多病出遊之念難免頽唐故
如老先生眷注深情而不敢仍尋舊約者恐時往
時來卽獲見原於賢主人而自問此心終多愧歉
肝膈之言惟老先生能察其無欺而晚亦惟仁人
長者之前始敬以實告也茲舍弟瀨鄉闈赴試道
出封圻順泐數行上候萬福舍弟孱弱書愚未嫻
行路輿馬之間如蒙推愛遣一役以導之俾免居
奇慢侮則佩頌雅誼更靡旣矣肅箋附佈統惟炳
照臨楮瞻切

與陳御如

胥江舟次得挹清芬五載渴懷于焉少慰東海公
調任潤城老哥先生數年契好誼難忽置將來稅
駕之地諒不過在雲陽京口間耳浩歌把盞之約
彼此自有同心但踪跡悠悠年華冉冉未卜在於
何日耳舍弟唯謹鄉闈赴試順候履綏策蹇書生
竊恐徬徨道路已札懇徐公遣役照攝尙祈老哥
先生論彼司闈勿同泛泛俾免夫僧居奇則如拜
膏秣之惠矣秋風北雁時望德音冗次率佈不盡
縷縷

復胡竹溪

春時暢領麈尾傾心風雅嗣以故園松竹未忍寒
盟話別倥偬中心悵恍際此蘆白楓丹正倚北樓
懷謝幸奉雲章恍承珠咳過蒙獎詡環誦汗顏古
人締交原不沾沾離合吳山越水相距匪遙北海
西園歡聚有日肅泐數行敬謝垂注孝履無恙臨
楮依依

與王紹賢

愚爲舊雨委曲相邀并囑攜姬同往以待晨夕情
致纏綿誼難峻拒誦經老姥又將重拈繡線爲作

翻

音核羽莫也

嫁衣殊愧自守之固香餌之累人也條例示稿
藉爲枕中本希檢發來手行期尙不十分急促覓
暇當圖對春牕共話別離情緒耳

與秦辰遶

草堂話雨之後嗣造尊齋知己撥雲間之權春明
晝永百度維新遙企二難珠輝璧潤弟雖齒衰息
影倦翮慵飛然每當酒酣耳熱時迴憶天際祥鸞
未嘗不躍躍欲動也茲敝友某晉謁貴東乞爲道
引某從事丹鉛卽司厚邱筆墨者古云霖雨自天
必待雲興四岳有益之友諒不辭爲之介也肅箋

專佈並候邇祺諸惟涵鑒不盡仰馳

與何永年

桐兄近狀前已畧陳昨云候老哥時雖忘形舊雨而久別初逢又有客在座遽請緩急殊覺赧顏貧士此等隱衷誠聖歎所謂宜急濟之而後稱快者也今折券告貸囑弟爲介交誼至輓近不可問矣若求通財更同縛虎然老哥於腦滿腸肥時目如炬聲如雷所深惡而痛詆之者正屬此輩今濟勝之具橐雖未豐而尙可勉力自不靳慨然應之拜惠固在桐兄而頌古道曷時流者弟亦喜藉爲談

資也幸留券賜示爲禱

與家旭升兄

魚雁頻頻未通尺素非疎於懷念實恃親愛不尙
具文耳吾蘇陸楚白兄刑名之學涉練已久且夙
稱敏銳今鬚髮皓然矣正書家所云竒險之後復
歸平正時也如有代庖之席乞爲首屈一指楚兄
頗負俠氣必不踵鹿城故事耳率佈并候近履秋
臆珍重是囑

與徐使君

胥江握別重感殷勤奉瑤緘恍承塵教 大差

之友知己得人綠水芙蓉深爲慶羨但邇聞淮揚
被水頗重 聖心軫念賑卹必先差案一切事宜
其間緩急次第諒高明調度當事事得之機先也
吳門陸荆山先生歷遊制撫之幕學博品端今赴
金陵道經棠蔭順泐寸箋藉請萬福荆兄書劍孤
征輿馬之間懇遣一役導之俾免夫僧居奇之累
則誌感不獨在旅人也北望頓首神與書俱

復陸荆山

春王接奉教箋欣慰鸞棲有定古來遇合往往有
傾蓋如故而轉眼冰炭者有初如淡水而終成膠

漆者皆數定也然以老長兄之氣誼感人肫誠動
物縱踏千層荆棘亦化十丈青蓮此又所謂人可
奪數者也吾道有江河之勢南朔東西滔滔皆是
幸耐心處之以待高梧令郎今歲聞作什一謀不
事舉業矣擲此蹇鈍毛錐另開陶朱捷徑亦未始
不可宅報自詳無庸覩縷至弟貧老自甘鍵戶守
拙飲水讀書之外抱甕灌花消磨閒日蠻觸俱空
身心無恙辱承清注敬佈鄙懷別論自當篆諸心
版但恐寒巖幽壑絕少尋芳踪跡耳搦管低徊伏
惟珍重

復時申錫

然諾之間古人所重弟以敝徒奉囑而老哥一言
必踐求之時流不可多得能不令聞者傾嚮耶翰
到應卽促其就道奈渠於三日之前已有青溪之
訂因趙善長兄病後不奈繁劇必欲令其佐理此
席餽事似覺相稱老哥愛弟必及弟之良友箇中
覩縷諒邀曲宥耳漕務需人轉延陸應龍兄相代
此君少年英發弟雖相知未久而善兄契好有素
量才計事不至辱命况老哥殷梓鄉之情推屋烏
之愛自不靳迴光覆照也藉復并候孝履臨池不

莊不備

與黃南濱

前接手緘足徵開念賢內甥客緒迂休一切公事
部署周協水到渠成知不遠矣愚托賴健寧課子
灌花之外真心趺坐室惟香椀門可張羅團扇秋
風見諸涼後尊翁仍赴白門闔潭悉報康吉居停
約於望後回署當此春和晝永百度維新賢內甥
宜時以自立爲念竿頭更上諒無俟衰朽之叮嚀
而誼切情深不禁臨池喋喋耳諸惟珍重東望依
依

與沈聲雷

江南江北兩載睽違每企丰神寒心爲霽朱明中
浣王長使剝啄柴門道及先生謬加獎詡沈公垂
注殷拳魚目礧礧不禁慚且感也但弟貧老自甘
慵拈金線灌花課子無意出遊乃使者善達主情
言之斐妮令弟不能固其所守簫聲邇水舊夢重
縈惟計此時伏暑在即加以弱妻稚子家務糾縈
必須部署周妥方可仗劍束書籌之再四擬托陸
蔚文先生暫爲代理秋以爲期敬奉教於竹西涼
何如弟平生一無所長惟不欺二字守之弗渝

勿他慮也可否商之貴東一行賜覆冗次吮毫不
盡覩縷諸惟珍玉臨楮泐依

復宋威如

兩載不通音耗平生無此契濶蓋聞賢弟歷遊燕
趙青徐間恐致書有岐非盡坐懶也閏五月中欣
接手翰知道山廣陵姚冰兄汲引暫理差案冰癡
納姬育子竟爲揚州世祖不似苦學黃面瞿曇時
矣爲我致賀并詢尙敢於雲浦前作矯情語否他
日罰以巨觥肯伏地謝過不笑笑至愚客夏殤一
愛女鬱鬱半載鬚髮頓白誠知妄緣孽障然心非

太上烏得無情坐是出遊一念亦成槁木死灰更
回想四十年中風波道路變幻人情惡趣備嘗炎
涼諸盡今老矣灌花課子閉戶讀書饘粥得飽已
屬望外若再傅粉墨上歌塲捧科打諢以邀譽時
流縱人不知非而自顧面目殊慚向青天白日中
也此意惟賢弟前畧述梗概他則指爲狂癡不敢
向道半字耳舍姪承雲現在白門劉使君幕秦淮
秋柳亦牽惹離腸否一葦杭之以圖機遇未始不
可府上俱平安令堂間亦健旺故鄉風景殊覺荒
涼縱因生計艱難人情由此惡薄耳至幕館易者

僅有而難者不啻登天若弓旌束帛之招徒結想
於黃農虞夏矣及時努力爲買山計勿待老大貽
悔也誼切情深言之覩縷諸惟自愛臨楮神依

覆徐桐川

練塘弟舊遊地也起居庶政似非老嬾所宜良友
之前敬佈肝膈推轂之雅中心藏之矣濂溪先生
雖未謀面他山之慕久切予懷今承不棄愚鄙更
結知己之感盍簪綰紵兩締神交足爲蘭譜佳話
矣爲我諄謝不盡依依

與承雲姪

前復數字諒久收覽屢於家書中悉客居安善爲
懨時申兄囑寄一緘札內所云不復重敘此事原
非幕中所宜干蓋聳之恐涉嫌疑沮之難免怨
毒聽其自然斯得之矣旭大伯有婁邑之訂未識
果行否王紹賢與顧尹兄合就松府總席頗稱相
契會中諸少年俱聯翩奮鬪聞之當爲起舞也葉
安兄囑懇留意此君尙有古風近自皖江歸里述
爲稽山所擠少同學長同道平居則稱弟兄當權
卽肆搏擊人情險薄一至於此可勝浩嘆是以愚
出遊一念益復灰心昨承介父母枉過云奉陞藩

胡秉臬之命而來必欲招往粵東因愚住居吳邑
故令殷勤相勸委曲辭謝大費齒頰值此酷暑起
北牕箕踞之人而衣冠揖遜興馬盤旋大苦大苦
因吟陸渭南自嗟不及東家老至死無人識姓名
之句知言出由中並非矯飾也愚雖無此分望而
甘爲野老不求人知之念則初無二焉吳中此時
年景甚好糧價亦稍平白下如何前聞旱今得雨
否有無時事便時字知揮汗不盡縷縷

與黃順達

瑣事奉干周詳迅速接教之下恍然久之蓋小以

見大不惟含感也甘兄來常敬泐數字候安鳴悃
琴川山水勝區際此小春良序吾谷楓林石梅修
竹自必杖履及之但未識停車煮茗時亦念前遊
故人否漁洋山人爲鈍翁先生賦花燭詞二首弟
畧易數字移以奉贈忘形知己自能會心歲闌新
正時尙當於養恬齋中老梅樹下手持竹筥細訊
黃面瞿曇猶敢於善知識前作矯情語否耶贈詩
錄後以博一笑 碧玉迴身憶昨宵菊花天氣夜
迢迢遙知愁聽琴堂鼓那羨薰衣事早朝蕤女吹
簫思鳳雛不將縑素怨狂夫綠牕夜半分明聽我

見猶憐況老奴

助順兄夫人
新爲納姬

覆葉安期

地爐松火箕踞讀書忽奉故人手箋頓若春風披
拂殷勤繾綣情見乎詞淮北風景荒落白遜大江
以南然山雄水莽之區藉以排蕩豪襟亦未始不
可況出遊滋味彼此飽嘗能咀嚼於酸鹽之外庶
跳脫於儕俗之中耳至弟老矣一切付之竹虛水
淡近況佳固難言惡亦不甚敬告知已幸勿過懷
邇日舊雨中如呂安兄沈韶兄就海陵李半刺之
招秦丕兄有閩疆之行其他仍多枯坐仰天咄咄

頻呼奈何者正不知凡幾也台諭敢不銘心但此
日人情涼燠頃異蓬門一閉過問寂然恐無緣爲
高賢推轂語出至誠諒邀淵鑑舍姪輩辱承垂念
歲闌俱當旋里老哥春時把袂之約弟亦屈指以
待桃花檻畔楊柳亭前與君煨笋相對共話別來
情緒何如呵凍草草惟囑珍重

與黃順達

一居憲幕一守寒門咫尺有仙凡之判矣王東巖
兄抱安仁之戚射州一席已托紹賢王君代理將
來前路固屬可馳然以親老欲謀近地庶得定省

時親甘脆有藉亦孝子婉篤之衷也囑致老哥務
爲嘯拂太原品學久在鑑中大雅當左提右挈之
秋又豈靳爲故人一援手也言簡望深幸藏夾袋
近社自吉不贅頌詞

與徐桐川

榮發趨送未獲面別在行者江山文酒猶可盪其
離思而居者攀柳沉吟折梅悵快又何以爲情耶
老哥入幕之後以才氣服其心以龍誠動其感縱
使荆棘叢堦自化青蓮法界矣古云君子不易民
而治以此類推吾道亦然也梅橋精舍三令郎與

楊俶兄已爲營置前委代爲緩急之說此時此物
不特鄭重異常抑且閒貯絕少低眉緩頰至於再
三始得二數以成此舉葢弟不敢虛故人之囑并
喜故人有杜陵之徑也覩縷福報自詳不再贅煩
清聽客中一切諸望耐心易地皆然勿輕去就得
蓄買山之資徐圖息影之計未爲晚耳江南江北
春雨春風臨楮低回伏惟珍重

又

前具一函諒邀披覽茲奉教墨備悉履綏至於客
中遇合古人用心如用鏡勸蠟暮妍各隨所見彼

旣推誠此勿逆詐老哥明道人必無粘滯也幽居
業已成交一切縷陳前札華亭一席雖承沈渭兄
相勸再三奈弟林野性成杜門志決致辜良友之
意聞彼處先延張載揚兄不及一月又招蔚文陸
君未識將來何如令嗣束裝頗多拮据弟雖稍爲
設處無如限於己力螻蟻負山徒勞無補到署時
慈親孝子挑燈話家政之餘自必覩縷及之也魚
雁時通諸惟續佈藉覆并候不備不莊

復倪曉微

讀史餘閒復工繪事老學如此愧煞後生矣秋林

圖詩極佳但時乎時乎不再來白首低吟不禁增
慨率和二絕就正大方老當益壯者應嗤我氣衰
智盡也火雲燒空途次如炙咫尺千里我勞如何
臨池惘惘

與秦簡綸

素心舊雨乃以出處兩途遂致相逢問濶驛梅梁
月何以爲情王瞻兄回郡備述老長兄不忘愚鄙
時辱齒芬恭聆之下旣感知心之雅更憶二十年
前玉峯官舍馬鞍山頭同令先尊並章駱諸君子
題箋弄酒時曾日月之幾何而死生聚散回首皆

非追昔撫今悵惋奚似耶聞老長兄年來幕况頗
佳不識營置若何治生之術學者不廢白太傅有
欲作雲泉計須營伏臘資之句老人侍愛舉以奉
勗玉燕之投知已有日轉瞬秋闈戰捷鹿鳴宴罷
湯餅會開不亦極人生之樂事乎稽山鏡水實聞
此言矣風便一行敬候萬福近作附呈藉告家居
境狀耳揮汗不盡縷縷

覆葉安期

老哥就清河之招明知非件不意轉眼變更復發
白門之棹弟始聞不禁悵悵嗣幸秦淮秋柳不繫

羈愁旬日盤桓卽應含山之聘碧梧千尺借徑翺
翔此真事有定數人有定衡造化固難知品學有
足恃也小春十日欣奉教箋覩縷勤拳讀之眉舞
並悉館舍館餐簿書同事無不在在如意迴環捧
誦幾令灰心世路者又繞江湖舊夢也至弟別後
境狀孤吟薄醉之外惟有仰天咄咄蓋因豚兒弱
症秋仍舉發夫門衰一子不啻舟行大海今一子
而病病又患怯直同海舟遇颶矣危何如之計無
所出於菊月中旬復置一妾雖不安義命難免賢
達詆訶然事出傷心情非得已不知我者則爲稱

賀苟知我者當爲撫膺也未識老哥聞之以爲然
乎否乎便中示我一行定當奉爲辦香也府上俱
寧吉令郎輩庭訓有素咸遵義禮可無縈念惟望
老哥耐心二三年囊蓄買山之資然後徐圖歸計
青衫白首共話乙酉之秋七月旣望廣陵金陵不
遇而遇一番因果相對滿浮三大白高吟科頭箕
踞長松下白眼看他世上人之句則得之矣客社
已聞不復贅頌

復徐太尊

胥江舟次仰德座隅渥誼稠情至今含感老公祖

集賢堂
卷二
三
整綱飭紀勤政恤民凡自雲間來者津津頌述若
憾蒙化之不早又恐超遷之在即士民愛戴若此
龔黃不足擅美於前矣承諭報銷文稿謬擬呈正
此不過總局備案之冊不詳兩院不行各府者無
甚關要也蒙賜多珍山厨生色而松箋璀璨更耀
硯田從此衡門野老椒酒吟春皆拜老公祖念舊
之惠矣使旋覆謝並請崇安臨池企切

與孔翼之

邗江一逼音問之後忽忽十有餘年矣歲月如流
又夫易老撫今追昔能弗慨然老長兄先生才華

韓濟名動公卿此時爲作嫁衣小試行道不日鵬
程萬里大展經綸杜門衰朽辱在心交羹牆寤寐
之餘惟有翹首以待耳茲敝友紹賢王君就館婺
州得親芝宇紹賢端謹純雅弟所深契將來聚首
一堂白邀大君子藻鑑而編紵之歡推愛加渥弟
又仰望於蘭室也敬泐數行藉候萬福臨楮依依

覆黃端仁

三千里外重荷注存浣紙銀鉤行行情愴焚香
誦之餘覺少陵厚祿故人書斷絕之句方諸老哥
先生誼溢古人上矣感何如之粵東山海要區民

物殷庶老哥先生雖暫理鹹政而才華幹濟震動
一時上游爲國舉賢必當移司民牧將來事功經
術鶴立雲翔正未可量也弟年衰智盡決策杜門
課子灌花消磨歲月仰企如老哥先生竟未一通
尺素者旣以道路阻修鱗鴻希覲兼之稼圃情悰
殊愧上陳軒冕耳然每晤令弟二哥無不敬詢萬
福遙祝九遷也茲因使旋藉泐佈覆並候陞祺臨
箋馳溯

與毛三彩

春申畢姑一事承諭商定覆彼今兩日之內而

舍扣問者已三次矣其必不可緩之情可以概見
鄙意竊謂父母無不愛之子女而愛女自必推愛
其婿愛婿則必休戚相關關切則必爲之計目前
慮日後今舍甥南濱旣無叔伯終鮮兄弟年已三
十未成室家人孰無情向之蹉跎歲月者無力故
耳今適有可謀之處而不爲之成全使其坐失機
會再待將來之積累世路艱難年華易逝此推彼
阻遷延無期怨曠之懷仁人動念況爲父翁者乎
此目前之事似不可不爲之計者也南濱二老親
在堂時復多病晨昏孰侍中饋乏人況乃堂現在

病臥牀簀思爲完聚之念日夕縈心不徒發諸語
言抑且形諸夢寐乃客夏請命則期至今秋今秋
請命又期至來冬老病之人一聞此耗惜已成之
就緒慮後來之愆期能無愁怨乎設因此而病益
加重揆厥所由爲子爲媳及爲至親切友者其又
能安然泯然乎此日後之事似不可不爲之慮者
也況古人婚嫁有期載在簡冊惟恐男女之失時
弟嘗聞之矣若以奩資之有無以定嫁娶之遲速
則未之前聞也弟非執柯之人原不應從中喋喋
但關戚好爲之揆情度理審時察勢此番似不宜

辭惟當兩從儉約早完百年良眷卽與蒼翁相契
之親友知弟撮合此事亦無不極口稱宜可見旁
觀者清當局者應請毋再膠執也老哥係內親言
之詳盡事無不允希卽賜明示以便札致金陵早
爲部署特在夙好語多直率諸惟鑑宥是禱

與張蓉塘

尊照名作如林幾至無可下筆漫題四絕聊以塞
責詩固不佳但追悼西河之痛預報蘭桂之徵則
情甚切焉他日湯餅會上弟當高歌長松結子之
句以問有功無功也笑笑專力贗繳惟希檢收不

復倪小迂

昔賢文讌之敘書林紀載墨士傳聞何可勝數尊
翰所指已得大凡至古今人之不相及雖緣時會
之不同亦以利名之太濁滔滔江河悠悠宇宙又
將誰語耶吾輩老矣二三知己冷吟閒醉一切惟
當率真淡泊庶幾稍得山林風氣若奔走於如市
之門微逐於耳語之會則性非所尚力有不能也
人生天地之內立身行己貴乎自持矯情傲物固
爲通儒之病詭隨狗欲又豈志士所宜此時之存

缶
石

心應世惟有不薄今人愛古人之句覺辭意深婉
得風人遺旨可法可師耳質之高明未識以爲然
否秋雨如絲竹牕似水茗椀爐香之外靜聽蛩聲
唧唧風葉蕭蕭岑寂秋亭無可消遣因復讀書懷
佳什不覺見獵心喜依韻奉和并以爲贈鐘鼓洪
聲之下繼以瓦缶之鳴誠自愧其不知量也惟懇
巨手削之虎阜之遊承訂月杪月初寒食重九不
可虛擲當共扁舟一葉內貯風爐茶具童子司之
不必登山入寺宜溯洄於白蘋紅蓼之間酌綠醕
剝青菱晚看夕陽漁艇古木寒鴉暝黑卽命返櫂

晉江渡口市橋燈火舍舟安步歸以消摩爲晚膳
不亦樂乎期定希卽示我勿負青鞋布襪也

與黃任遠

側聞雲間潤城爭迎佳士蒲輪滿戶大爲幕府生
輝矣然就一勢須却一弟爲君計宜聽鐵甕江聲
若弘農者以托友暫代爲詞庶得之矣鄙言可採
代者無出龔振兄之右幸爲圖之局外之人妄借
局中之箸復爲汲引之請得毋譏其不智乎然竊
料高明又必始譏之而終謂其智也呵呵榮發有
期再當趨送

與范杞懷

前承遠道惠顧匆匆判袂殊歉鄙懷昨接手字賢
弟惜暑如金進修不倦可敬可喜許方翁處已作
扎致之矣至賢弟所云講律之暇兼事丹青愚竊
有疑焉夫學貴專一尤務切已三冬居諸有限律
意精奧無窮儘此研求尙恐不能參互洞徹卽有
餘力賢弟宜將唐宋各大家古文講解熟讀再獲
剩閒臨池學書先習敏捷光潤蓋讀書而不究心
經史僅誦唐宋文章此非認真讀書者也學書而
不講習適勁峭古僅求敏捷光潤此非認真學書

雙魚伯初
者也然賢弟今日切已之工夫他時應世之利器
宜本於此至更上一層乃賢弟異時之進境愚所
深望而不敢勗之於此日也誼篤情深言多率直
惟希融鑒足仞相知

與李中州

冰雪四圍僵坐冷苑直以爐火爲性命若薪炭缺
乏不特凍結硯蟾莫能濡筆且使半刺幕座有號
寒之士恐亦非賢主人所忍聞也幸論紀綱勿靳
纖屑如律以大概必不可多得不妨開價待償晚
雖貧士家居紙閣甌爐掀髯箕踞尙不耐十分瑟

縮今俯仰天涯而使肌生寒粟自顧殊覺神傷耳
恃愛直陳希恕狂瀆

與王惕山

王正俗事相煎雖得幾回握手未盡歛洽寸私至
今猶耿耿也春雲漸煖大哥福履日臻可以遙頌
弟此次出門原非得已依人孤鶴不能遽興遼海
之思者以稻粱餌之耳然跡與心違以日爲歲苟
獲遂賈山計則當深掩衡扉讀書娛老不復俯仰
人間爲牛馬走矣升兄得有丹穴否此間竟無推
轂處耿司馬扎雖曾致之難必有濟二三知己時

往來於胸次間便中望以近況剖示竄中吧懷不
另簡均在署切磨否業精於勤幸爲轉囑挑燈搦
管不盡所懷諸惟自珍臨楮拳切

與士言大兄

蒼髮弟兄聚首歡愉分襟悽惋彼此有同情也弟
抵海陵後雖喜案牘清閒而觸目蕭騷興味岑寂
鄉心客怨晨夕相煎遙想拳圃梅花白邀青眼主
人出外得毋花魂黯淡耶翠華北上矣作倣裝計
否別論銘篆未忘祇以煮海輩客秋有孟浪之舉
至今尙各監旗鼓非可進言時也機有可乘另容

儕柴
輩也類也

報命大哥歷境順逆相叅以時考之泰當來矣况
諸姪森立竚望肩承蔗境之榮弟自遠遜百倍耳
幸縱眉稜勿傷胸抱便鴻裁寄時切望風

與俞行遠

妙香亭畔新柳如絲別緒牽縈正懷修啟乃奉手
翰知如邑之行變生意外吾儕出處有數翠竹碧
梧遙祝鸞棲不遠耳此間意味并無博士殷勤老
嫗宛曲更遜逆旅中人矣把臂約在清和未必待
榴花照眼也風便裁復伏惟珍重

復龔振裘

仲春得奉手函乃以綠波鱗香致稽裁答今復承
芳訊殷殷故情鄭重弟益自愧其疎慵矣所諭敬
篆心版但須碧梧千尺方可招引鸞棲耳至弟以
多病早衰兼傷伯道久堅杜門之志今春海陵之
遊實出誼不容已現偕居停詣省後卽放歸舟留
小徒在秦代理昌黎不云乎抑而行之必發狂疾
弟亦不忍太自苦也老哥頻年入幕頗稱如意諸
凡尙宜儉約以留有餘爲桑榆詩酒計將老弟兄
不妨以此語相勗若腦滿腸肥時則必大叱爲酸
鄙矣郵便一行敬候萬福臨端紛冗不備不莊

致張大尹

昨承老先生雅注諄殷乃以家累頗繁弗克陪侍
賓朋知己之感別後依依今早適有上洋滕京山
先生遣使到舍云舟抵胥江將暫寓於狀元坊沈
友賓家此友學識老到意氣動人較晚則有大巫
小巫之判矣老先生求賢若渴如果情文偕至彼
或未必固辭幸亟爲垂訪之延平劍氣物色必多
稍遲恐交臂失之矣杜門野老不揣薦賢盡欲奉
報拳拳耳非爲頂斯緩頰也諸惟台裁不莊不備

又

亡羸

音雷瘦也

奉教之後卽往晤蔣先生彼已別有訂約且現在
血症復發驟難出門至晚伏承老先生眷愛深情
本不敢重違台命但再四躊躇多病耄夫欲勉力
則疋羸可虞欲偷安則叢脞難免與其相敘而徒
形顛蹶何如矜諒而俾安棧櫪耶長者之前敬佈
肝膈諸祈涵宥臨楮悚惶

復張端揆

不全廢器得蒙識者之賞已爲此物稱幸乃承以
古篆見貽薄取厚施得毋令人愧歉乎固却又失
相愛之意勉爾拜登當敬爇名香神往芝蘭之室

耳對使泐謝潦草希恕

復六塘張廳尊

捧誦瑤華重承垂注知己之感三復依依老先生
儉以持躬勤以集事崇川錢穀出入素必慎始慮
終交接易易自可依限結報也倉項開斛之後似
宜赴吳面謁撫軍可否留屬交代再定行止求賢
之諭敬當留意但全才難得孫陽法眼若不稍假
借之恐難免群空之嘆耳奉教匪遙不贅覲縷藉
使佈復並請陞祺臨端馳溯

復滕京山

使來復奉手箋小兒弱症重承垂念現身說法既
教之以養心復訓之以淨慮此二者皆治病之源
也惟是豚子愚蒙性情浮動恐未能恪遵長者之
訓謀事在人成事在天此中休咎亦惟有聽諸彼
蒼而已玉峯民刀役玩弟二十年前已畧嘗况味
今貧而且疲矣能不更甚乎枳棘叢中不足戀也
別論自當銘心作計老成絕少倘有物色英賢者
非老哥其誰屬也秋暑薰人草泐藉覆晤期不遠
珍重加餐

復張端揆

文旌北指有矢趨送雖承曲原老懶而鄙懷終抱
耿耿也嗣屢叩高門知內外納福雖小有不如意
事然通盤籌計不至虧損吉人天相洵不虛也弟
今正勉力延師豚子學業頗有進益詎料四月初
旬血症大發遂爾廢書呻吟絕響徒增賓館一累
弟因之亦日坐愁城秋來肌肉漸銷飲食漸減幾
至不保邇日大服參附始獲稍痊然此物豈貧士
所宜親近者老哥聞之當爲我連呼奈何也今奉
教墨重承垂注用敢將近况縷聞或冬或春擬爲
豚子完姻以了我俯育之事此後之壽夭窮通惟

雙魚備存

卷二

聽之蒼蒼而已弟平生一無所長惟作達二字差
堪自許未識老哥以爲然否率意伸毫宛如晤語
一陽把袂之約幸勿寒盟爲望藉覆并候不備不
莊

與郊聲洪

承惠冰蕤因不善培植日漸萎悴主人之俗於此
槩見矣今特繳上使其仍庇高士之宇以永天年
免致花神見呵亦補過之一道也希存之不多及

與湯一椽

承憐病骨屢枉高車傾蓋言歡之友情摯若此足

爲縞紵增輝矣感何如之惟是童稚無知輒以概
例辭謝未克握手一伸勞積心甚快快人曰對雪
尊咏縱橫洒落具覘才大如海率步一律藉鳴鄙
悃非效顰妍也一闕之限趨晤爲嫌野老拘泥惟
知已能察其心而原其迹耳新祉自祥不贅浮頌

覆張端揆

良友難得如老哥先生者清言正論每當晤對之
下恍坐春風而挹蘭氣屈指知交未易多覲乃一
江間隔三載睽違秋水他山瞻望何極客臈文旌
旋里弟始坐不知及承枉顧又值弟病革之時難

於欵接撫膺伏枕徒切依依迨後探詢行止知早已高坐幕府經緯兩淮矣春來屢見尊紀備悉內外集慶稍慰企念茲於杏月廿一得奉教牋垂注之殷溢於楮墨懽頌再三不啻賓緣齋中小山亭畔啜茗揮塵時也吾輩花甲已逾古稀將至諸宜達觀知足弟於病起後卽將薄產析爲三股子付其二弟授其一早晚饗殮亦照股輪膳自此米鹽胸次頓洗一清飲酒賦詩毫無滯礙頗稱快適老哥先生文郎尙幼家庭聚首父而兼師不使損益過亦未始非遠大之謀也辱在忘形不識鄙言

以爲當否夏秋把袂之約敬奉爲息壤矣荒城附
候畧佈相思珍重加餐臨池禱切

覆朱一鵬

日來以舍親驟變勞而且悲大屬委頓蓋少於我
強於我者無常如此况老而病者乎勞固因人悲
實爲已也茲接手翰重荷念頌但知碧梧丹穴尙
無定止雖文酒可盪羈愁而鴻雪未免興慨城中
邇日亦寂無聞見况弟自杜門之後不異坐龕老
僧窮巖邃谷誰復有顧而問之者二哥意氣動人
才華驚世延平之劍必不久沉鱸膾之思似宜稍

緩拙作附錄呈政台軒入城便道過我小圃殘紅
新綠頗足娛人竹塢烹茶松牕玄語未始非軟紅
中一服清涼散也率復并候不盡覩縷

答王紹賢

不挹清標五週星紀矣春王十有六日接讀手書
賢弟眷念老人一種淳摯之誼溢乎楮墨回思諸
少年中夙推賢弟爲古道第一人今果老眼不虛
且矜且喜入幕久矣囊橐何如程子謂學者以治
生爲本白香山詩亦云欲作雲泉計須營伏臘資
此皆見道語非卑鄙論也至於一切應酬交際如

愚歷遊四十年出則埋頭案牘歸則閉戶讀書未
嘗藉聲氣以長聲價今老矣幸免俯仰於人可見
立身行己貴乎自持正不在蜚聲揚譽結交滿天
下也若夫服食僕從無失寒士本色人之重輕全
不以此設以此而輕重我者我又何關於若輩之
輕重耶狂瞽之見未識賢弟以爲然否中心藏之
不足爲外人道也承詢近狀已冬大病之後些微
薄產析而爲三子授其二弟予其一老人饔飧照
股輪膳家務概不經理自此爲在世出世之人死
生無可無不可兩年以來頗稱閒適平居住還惟

桐川徐君端揆張君二三老友他若門庭如賈市
氣槩等士夫侈口逢迎劇談當道者愚則望而却
走卽或過我亦惟以衰病辭謝此孤冷之性自知
成癖不能改亦不願改者也小兒去冬隨承雲前
赴金陵雖不無小補然大非愚意此時能布衣蔬
飯謹守田廬上讀父書下齊家政卽閭里竟有未
識其面者方爲佳子弟若當漏盡鐘鳴尙欲登場
歌舞多見其不識時務也春牕展紙率意伸毫千
里雙魚爲道自重合并何日臨穎依依

與王汝張

別後兩過青耗忽忽七閱月矣小山居畔新柳如
絲倚檻臨風能勿動江雲渭樹之思耶時申兄回
詢客社綬吉幣帛交迎老人藉以增色春來百
度維新遙思近況益饒嘉勝當此及鋒而試想見
迎刃無盤錯矣惟是應世之道全在謙和謙和與
柔媚不同蓋謙受益和爲貴聖經垂訓穆然可思
況人生出處勢又不侔處則不妨遺世獨立出則
務須聲譽交孚每讀報劉一丈書未嘗不喜其痛
快淋漓然議者謂其傷於輕薄非醇儒語氣誠哉
是言也賢弟聰敏過人磨礱日久此日之待人接

物要在不矯不隨庶得之矣賤軀老態日增趺坐
讀書之外一無所事蓋林野之性不能媚俗亦不
敢違俗故惟靜掩衡扉守分安命而已府上俱平
安宅報自詳不復贅及黃甘翁囑候近好茲因沈
東兄赴院之便泐此鳴惻并祝邇祺不旣

覆錢天開

滿城風雨節近重陽幸奉知己手箋恍對明霞玉
樹而不忘衰朽一種渥誼稠情求之輓近更何可
多得耶承示佳什五律大類唐賢歌行亦有陣馬
風檣之勢捧誦再三敬而且畏然叨在至好切已

之學尙望以理牘餘閒兼及風雅語雖鄙陋情出
至誠伏惟採納大舍姪中秋旋里後卽就虞峯之
招三舍姪因病未赴鄉闈小兒已習醫業蓋駕下
之材不敢與驕騮爭道耳謝秋兄丰儀久濶客臘
復承珠玉之投詩學鞭思雋奧造奇險而終歸平
正誠資力兼備之作也乞爲諄致并道傾服東望
海雲神馳心結諸惟珍重書不盡言

覆葉安期

不奉顏色久矣故人垂念賤訊慙懃懃懃之餘轉
慚疎節四哥稟冲和之情性負濟世之才猷出居

幕府何患不到處水乳耶客社之隆無煩遙頌也
弟別後仲春料理亡繼內葬務桃月朔日幸得一
孫鳴蜩中浣拙刻竣事此外自問一無未了悠悠
聖世委順餘生可住可行不戀不厭告之知己爲
我何如家鄉諸老宿惟張端兄應新安太守之招
李正兄有雲間之行餘俱枯坐其中有可緩者不
可緩者靜躁總聽機緣智愚皆難自主冷眼開看
殊可嘆也弟邇來頗好道釋之書妙義尺牋難盡
他日四哥滿載歸來當靜掃小山居潔具茶果暢
論無生之旨導引之秘耳伏暑旅牕珍玉是囑

與申蓉城

昨云玉峯先生評拙稿有山林氣誠知已也奉上
兩冊希轉致之風日晴和尚當邀同文駕扶筇往
訪寒牕竹石間童子烹茶白頭贈縞未始非今日
廣陵散也

謝觀察金公

昨承見招何敢自外奈晚未老先衰口無一齒齧
嚙腮騰動多醜態是以賓筵禮席不預久矣長者
之前敬陳覲縷然以後輩而辱承先達下交未克
仰德座隅趨陪樽俎歉私感念交布寸胸爰藉短

章聊鳴謝悃街泥稍乾尙當趑叩大雅之堂躬沐
春風披拂也此上

與滕京山

素磁茶甌十枚奉爲玉川竹牕之副蓋知一瓣非
客中所需此則歸臥家園松間淪茗把酒詩腸覩
物懷人如逢故舊而弟又別寓深意於其間者現
身設法不滯一物想大智慧人自能言外妙悟也
五言一律用代折柳詩極拙劣但語出肺肝幸知
已垂鑒街泥稍乾尙當趑晤不盡

覆滕京山

江文通云黯然銷魂者惟別而已矣弟與老哥日前分手逆旅炎涼孤舟風雨折衰柳而神傷送故人兮腸斷此情此況始信文通之言出自肺腑也月之廿一接讀手箋知回府後事多拉雜然吾輩儒服禪心一切宜空宜達毋固毋必方見平生造詣耳三舍姪振翩睢陵之役於望日起程書稟而兼號件修止八數俸薄途遙情非得已刑席係武林曲君亦止一八之修尙藉紗帽作合故弟聞之不禁高吟吾道非歟何至此臣今老矣不如人之句箕踞松牕浮一大白以自幸告之知己未識以

雙魚偶存

卷二

爲然乎否乎邇日吳門絕無更動倘有機緣自當
留意曰阜居士歲闌之許君平諒不悞人老哥此
時骨月歡聚黃花白酒頗足怡情尙望耐心爲囑
承寄九日見懷詩依韻奉和另錄呈正蘆花楓葉
白首離群擲管臨池心神悵恍何時握手珍重加
餐

覆王芳谷

日前失迎爲歉承詢十三年捐例弟幕府之籍久
已贈入山谷野老惟存孝弟力田之詒餘非所有
矣此覆

與陳冰蘂

歲云暮矣室無長物人有道心相於藥爐書卷之外
惟高吟蕭然似野僧句不覺形神欲化此等襟懷
語諸軟紅中人定當指爲怪物矣太夫人在堂文
駕何日返旆遇合有數莫負倚閭望眼也

雙魚偶存

卷二

四

雙魚偶存卷之二終



